

廣德州志卷七

營建志 學校一

學校

學之有廟有黌始於宋而歷代恢廓之所以尊師而育士也廟既有從祀矣而凡功德在民聲施鄉國者亦與焉進而忠臣義士孝子悌弟亦與焉於是明有名宦鄉賢之祠

國朝有忠義孝弟之祠又有輿情推戴儒流景仰之專祠及合祠黌既有堂及齋舍矣而童蒙之養別有社學

廣德州志

卷七

學校

一

以居之賓朋會講師生督課別有書院以居之廟以尊師故有禮物焉有樂器焉長吏所由春秋展敬而都人士所以觀法也黌以育士故有經籍焉有鏃矢焉俊秀所由晨夕服習而不帥教者之所以愧勵也學不廢遊則有山有亭以調適其性情學不憂貧故有田有膳以優恤其身家雖然規模不可不宏遠也有泮池以毓靈秀而芹藻流香矣有樓閣以壯形勢而奎壁爭輝矣昔人於廣德之學之制可謂美且備矣維持不做是存乎善後者

州儒學在州治東南萬歷志宋天聖中司理參軍范仲淹

建於州治北南畿志作舊在城北范仲淹建治平中知廣德軍錢公輔

遷於州東南隅即今學基也尋燬於兵案紹聖中知軍孫諤重創大成

殿見萬歷紹興初知廣德軍洪興祖重建案先時知軍李健建大成

名宦志殿見萬歷案淳熙間知軍趙希仁大修學杜炎撰記萬

職官志歷志元知廣德路僕文質擴而新之案今明倫堂有殘碑書甚工而失下

半截上篆皇元廣德路修建廟學記所載官有學錄鄭

禾等又有高昌人三字考明一統志文質係高昌人知

此碑即是時所立者蓋延明洪武二年案明一統志作三年同知

趙有慶因舊規而崇之永樂九年知州楊瀚案瀚職官志作翰

廣德州志 卷七 學校 二

廓址鑿學河而復新之成化十年知州周瑛遷明倫堂

築萬桂山案瑛自為十六年判官王璽多所修建案亦周瑛

作記見藝文宏治二年知州辛禮易民田為河嘉靖四年判

官鄒守益改元妙觀為復初書院案即尊經閣詳後南畿志嘉

靖十年制增啟聖祠建敬一亭貯宸翰六碑萬歷志萬

歷十五年知州陸長庚增鑿河之南名曰毓秀案萬歷

間禁書院故明末廢書院而存尊經閣

國朝雍正五年奉 旨建忠義孝弟祠於學詳乾隆四十八年知州石璋建

書院於 文廟西仍名曰復初 詳後 學中規制始稱大備

先師廟楊志明初同知趙有慶修建判官王璽知州辛禮

繼修案 正統四年知州劉詵等重建楊溥撰記 見藝文 萬

歷志 宏治十二年知州楊樸改建嘉靖三十三年知州

莊士元重修萬歷元年知州鍾振四年知州吳同春歷

修未竟 案元年修學管志道撰記四 十三年知州陸長

庚始克竟事其櫺星門係正德十四年知州周時望作

於泮池前嘉靖三十八年兵備道朱舜民易於泮池後

泮池橋係正德十二年判官况照建萬歷庚辰州守用

廣德州志

卷七

學校

三

形家迎翼秀之說撤櫺星門與泮池橋俱面東南隅形

勢既偏風氣益不利 案萬歷藝文志載李天植段侯修

觀庚辰用日者言復徙向東南考庚辰乃萬歷八年而

陸係十一年任其八九十年有孫汝賓何起鳳方沆

三守此事果在庚辰則不應叙於修舉舊觀之後如果

陸則非庚辰也天植此記恐係後人傳寫之訛或竄改

失其本真惜無原碑可質然此處但云庚辰州守原未

明言州守為何人楊門李志俱作庚辰州守陸公用形

家之說並不一按職官志輒增萬歷二十一年知州鍾

陸公二字歸過長庚殊不可從 庚陽從輿議更正之而功未訖知州段猷顯克底厥成
廟中為正殿翼以兩廡去廟前四十步為廟門門東為
名宦西為鄉賢二祠 另詳後 名宦祠前舊有碑亭碑存亭

圮又前為櫺星門門西有井亭亭圮而井存案今井中亦湮

為泮池池上有石橋橋前有木坊顏曰宮墻在望案今無此

顏坊下有門門之左右有柵坊前并明倫堂大門前為

毓秀河案據此則其時櫺星門尚在泮橋北橋前另有木坊今橋前三坊均係石坊坊中柵門即曰櫺

星門三坊之間均砌磚墻其規制想改在萬楊志天啟

七年 文廟圮知州曹更新重建

國朝順治七年 文廟明倫堂啟聖祠俱圮操撫李日芄

兵備道袁仲魁捐俸命學正孫廣翁董其事未竣陞任

十一年學正黃如馨董造完工大學士呂宮撰記記附後

廣德州志

卷七

學校

東廡知州孟希舜重建泮池兵備道孫登第助修案孫登第

自撰記 康熙六年 文廟漸圮知州楊苞捐俸二百兩

學正荆振日董修案康熙十五年州守高拱乾重修

文廟自撰記見藝文三十年知州毛渾學正盛彰訓導沈

會成重建兩廡沈會成撰記文現存東廡匾上李志康熙二十

四年恭懸

御書萬世師表匾額於大成殿三十七年知州李勳學正

盛彰訓導張銓重修案李勳自撰碑見藝文康熙四十年泮池

起蛟櫺星門石坊泮橋俱圮知州陳祥裔重建陳自撰

記附後李志雍正四年恭懸

御書生民未有匾額於大成殿五年知州丁勺會學正胡伯炯訓導李生泌重修乾隆三年

御書與天地參匾額頒行天下學宮知州李國相遵式恭

製謹懸正殿案乾隆十四年知州會尙增興修未竟知

州帥家相繼成之帥自為記附後四十二年知州石應璋

學正朱裕觀重修 聖殿及兩廡五十二年知州穆通

阿重建戟門工未訖今擬續成之

國朝呂宮重修儒學碑記順治十有二年春及門黃子如馨自桐川來謁詢其山川土俗為言桐僻壤不足述然

廣德州志

卷七

學校

五

職學言學先生亦願聞之乎予曰唯唯桐學自宋范文正公初建城北隅錢君倚先生遷城東南至明翠渠周先生又規新祖舊廣大悉備桐之人士爰蒸蒸起焉甲申乙酉之交兵燹蹂躪學與

文廟遂淪灌莽部院李公道司袁公各捐廉百金按院上官公捐金二十兩暨孫學正督之而明倫始有堂此

今上八年事也時 啟聖宮且半欵左廡廂全缺先師正殿亦未竣風雨之夕決流成渠十年癸巳如馨承

乏學正謁廟周視怒焉心憂即躬歷四鄉多方勸諭衆皆欣諾而工費浩大未能遽興適華宇孟侯於甲午春

來守茲土急議修葺出俸百二十金為闔郡倡而東廡鼎新庠生包崙鄭啟宸濮陽至戈啟鍾王景皞李復歿

趙先簡王燦如耆民葛應時盛日隆周元徵戈鈞卿勸募襄事而堂廡發聖始具丹雘重輝十一年冬告成惟

泮池未濬以公車期迫嗣續志焉及抵京聞道司孫公捐金鳩砌刻日告竣而奕奕黌宮遂與桐山並永矣予

曰是舉也為聖門功臣為 且孟侯賢守也學之前池有盛朝敷化豈淺鮮哉因記之

數畝齒苔千百本侯以公暇把荷香煮流泉率子弟之
俊秀者圍橋講誦臨水詠歌涵泳乎六禮七樂入政之
要旨以申明乎簡賢誦不肖之望也夫繼乎文正君倚
翠渠諸君子之風烈是則予之望也夫陳祥裔重建
橋星門石坊泮橋碑記辛巳四月七日將晡密雲驟
蒸障景大晦雷奔電掣暴風疾隨文廟焚頰搏扶搖
而上旋轉如車輪自相擊撞須臾蜿蜿地地恍惚有物
起泮池挾甚雨去橋坍入池淖盈尺石坊三仆地散裂
而橋星門與明倫堂大門一時傾圮人謂泮沼騰蛟為
君子豹變之象余往驗之水澄瑩寒冽侵人洵若有異
但損廢處不早修建行將塞楸邱糞壤漸滋為害因
憶余初莅謁廟胥役惟供除道避太守觀瞻其他蕪穢
皆置不治異族蟄藏有自來也迨及仲丁恭行祀典禮
器汚慢名存實亡大樂乖離不準法度且以僧道充入
舞列其曷以將謹嚴告豐備也亟詢以故則曰兵燹灰
殘至今未復余惕然震懼恪遵時憲倣以文廟禮樂志
置備供案獻案洗案供尊案尊壘案坩筐香几香鼎花
瓶茅沙池燔爐各奇其數又偶而置執爐提爐燭臺燭

廣德州志

卷七

學校

六

紫庭燎燎文瘞鉞麾旛旌節之具以昭儼恪又置太尊
山尊犧尊象尊壺尊雲雷尊及鼎洗彝罍登銅簠簋籩
豆俎勺諸器各足所用而禮制畧備禮運有之五聲六
律十二管還相為宮也欲諧五聲必合八音余於革則
置磬鼓建鼓楹鼓足鼓靴鼓田鼓相鼓搏拊於金則大
鏞十二絲有琴瑟竹有簫管篪笛所謂笙者以匏為之
未得其良姑以竹代若墳者土也祝啟者木也皆古之
樂也又詳設樂舞生若干名優其禮衣以侑衣授以籥
翟教以進退屈伸俾知聲容度數自是而後春秋二祀
乃得器皿完潔登降中式夫以薦裸缺畧積習久沿余
急之也會不崇朝今毀壞廟貌何敢怠忽以廢後觀於
是捐俸為倡大集紳士博諮建復共勦厥成隨召各匠
估工料所值計石居十之五木三之五場一之其一則
銅鐵油麻雜用之物而匠工儉廩以是為差量度出入
資聚慮不足用余益以磚瓦木植涓吉鳩工奔趨恐後
而廣文汪君才識敏練董成其事五閱月日工告訖功
橋星之飛甍畫棟靈龍高聳望標里許石坊巖巖峻嶒

糸列洋橋持持坦可歷廣可臨且於殿廡上下板檻之
撓腐者填之完之及級墻垣之零落者蓋之聖之吾知
濟濟多士習禮於其間登明倫之學塘汪洋縈繞殿宇
其光芒門之內輪焉與焉門之外學塘汪洋縈繞殿宇
必且同志追隨溯洄忘倦因做濂溪愛蓮之旨廣放芟
荷俾樂羣於花葉之陸離亦觀感乎中通而外直廣文
曰是役也殫厥心力不可無以記之余曰余何所記哉
皇上誕敷文教尊師重道之典訖於四海藐爾修崇未足
鼓吹邳隆於萬一余則何敢記哉然司牧之任教養為
重教之不先養亦奚賴學校廢缺教自奚施余周旋
文廟先之以品制而禮樂聿新繼之以經營而觀瞻有
肅不特造士以斂才尤可厚俗敦倫挽囂漓於淳樸以
行吾保息養民之志其於盛治休明不無小補余之寤寐以思而厚期於桐泐者職
是故爾余何能不記哉乃為詩曰維天垂象權輿太荒
故之革新曷以彰翳此蠻序蛟飛怒張亦毀榱桷亦
裂石坊揆日肇始規鞏程唐廟貌嚴肅而復輝煌
先聖羣賢憑依降祥師儒抱德講讀有常矧茲釋奠禮樂

廣德州志

卷七

學校

七

皆臧肆夏采齊鐘鼓鏜鏜益以損成靡勿苞桑流衍弗
墮邦家之光乃誌金石俾不咸忘奉直大夫知廣德州
事大典陳祥裔撰候補知縣南州徐濬書州判大梁侯
振世學正六安徐銓成訓導邗江汪茂齡吏目宛平金
暎帥家相重修廣德州學記學育材地也天下之材
莫不出於學匪學則無以成天下之材然材之需於學
者在於敦本而明理本敦則德立理明則藝成德與藝
二者學之實也學莫患乎名之相徇而亡其實上以實
求下以名應則人有負於學而求其材之成也不亦難
哉廣德有學舊矣其問與替相尋後先相望備載志乘
歷歷可稽宋范文正公為司理時初肇學於城北隅錢
公輔遷城東南中更兵燹民居半燬而學宮亦因以圯
頽淪蕪榛莽焉嗣中丞李公等重修之歲庚午余荷
簡命出牧茲土下車三日肅謁文廟載瞻廊廡雖翬
飛鳥革殿貌維新而榱桷黯然墉垣剝落者不一其處
備訊顛末則前牧會君尚增署牧呂君轍倡募鳩工因
捐數止收其半工價未敷以致觀成無日余承乏二君
後又何敢諉謹捐歲俸之半復論董事照簿勸收濟用

閱四年而功竣書云若作室家既勤垣墉維其塗墍茨
此之謂與於時闔學諸生請伐石紀事余曰余之殷殷
於學校而繼修前績者非曰觀美藉以章教爾諸生
當明盛膏沐化澤誠能敦其實不浮慕其名致知篤行
敬業樂羣將洒掃應對而敬其事則窮理達天之學斯
寓弦誦羽籥而致其精則知化存神之妙以臻近不踰
屋室戶庭而蘊天地萬物之奧習不外耳目口鼻而通
陰陽鬼神之微余嘗編列條規為諸士訓所謂孝弟植
立品之基通經樹文藝之根本末先後循之有途而致
之有漸職此故夫爾諸生其相砥勉德業並進而行
修經明則名副乎實以成其材而備其用庶上副
聖天子建學育才訓誡鼓勵之至意而下亦不負余區區
整飭黌序誘掖激勸之殷懷云爾是役經始乾隆十四
年三月落成乾隆十八年九月督理其事學正華君恒
泰訓導史君化鳳功實多焉其贊襄則貢生濮陽緒生
員趙捷洪輝光劉炯等例得並書至樂助之士民另碑
鑄載母使姓氏久而湮沒云
賜進士出身奉直大夫知江南直隸廣德州事前吏部文

廣德州志

卷七

學校

八

選司主事武英殿入直翰林院庶吉士奉新帥
家相譔文乾隆二十年十二月穀旦碑現存

正殿南向神位

至聖先師孔子

殿東西四配神位

復聖顏子

述聖子思子 俱西向

宗聖曾子

亞聖孟子 俱東向

殿次東西十二哲神位

先賢閔子損

先賢冉子雍

先賢端木子賜

先賢仲子由

先賢卜子商

先賢有子若 以上俱西向

先賢冉子耕

先賢宰子我

先賢冉子求

先賢言子偃

先賢顓孫子師

先賢朱子熹 以上俱東向

東廡從祀神位六十有二

先賢蘧子瑗

先賢澹臺子滅明

先賢原子憲

先賢南宮子适

先賢商子瞿

先賢漆雕子開

先賢司馬子耕

先賢梁子鱣

廣德州志

卷七

學校

九

先賢冉子孺

先賢伯子虔

先賢冉子季

先賢漆雕子徒父

先賢漆雕子哆

先賢公西子赤

先賢任子不齊

先賢公良子儒

先賢公肩子定

先賢鄒子單

先賢罕父子黑

先賢榮子旗

先賢左人子郚

先賢鄭子國

先賢原子亢

先賢廉子潔

先賢叔仲子會

先賢公西子與如

先賢邾子吳

先賢陳子亢

先賢琴子張

先賢步叔子乘

先賢秦子非

先賢顏子噲

先賢顏子何

先賢縣子亶

先賢樂正子克

先賢萬子章

先賢周子敦頤

先賢程子顥

先賢邵子雍

先儒伏氏勝

先儒公羊氏高

先儒后氏蒼

先儒董氏仲舒

先儒諸葛氏亮

先儒杜氏子春

先儒范氏仲淹

先儒王氏通

先儒楊氏時

先儒歐陽氏修

先儒李氏侗

先儒羅氏從彥

先儒蔡氏沈

先儒呂氏祖謙

先儒魏氏了翁

先儒陳氏淳

先儒趙氏復

先儒王氏栢

先儒吳氏澄

先儒許氏謙

先儒王氏守仁

先儒胡氏居仁

先儒王守仁

廣德州志

卷七

學校

十

先儒羅氏欽順

西廡從祀神位六十有一

先賢林子放

先賢宓子不齊

先賢公冶子長

先賢公哲子哀

先賢高子柴

先賢樊子須

先賢商子澤

先賢巫馬子施

先賢顏子辛

先賢曹子邴

先賢公孫子龍

先賢秦子商

先賢顏子高

先賢壤子駟赤

廣德州志

卷七

學校

十一

先賢石子作蜀

先賢公夏子首

先賢后子處

先賢奚容子蒧

先賢顏子祖

先賢句子井疆

先賢秦子祖

先賢孫子成

先賢公祖子句茲

先賢燕子伋

先賢樂子欬

先賢狄子黑

先賢孔子忠

先賢公西子蒧

先賢顏子之僕

先賢施子之常

先賢申子枏

先賢左邱子明

先賢秦子冉

先賢牧子皮

先賢公都子

先賢公孫子丑

先賢張子載

先賢程子頤

先儒穀梁氏赤

先儒高堂生

先儒孔氏安國

先儒毛氏萇

先儒鄭氏康成

先儒范氏甯

先儒韓氏愈

先儒胡氏瑗

先儒司馬氏光

先儒尹氏焯

先儒胡氏安國

先儒張氏栻

廣德州志

卷七

學校

十三

先儒陸氏九淵

先儒黃氏幹

先儒真氏德秀

先儒何氏基

先儒陳氏澔

先儒金氏履祥

先儒許氏衡

先儒薛氏瑄

先儒陳氏獻章

先儒蔡氏清

先儒陸氏隴其

案先賢先儒神位李志尙沿舊時次序今謹遵乾隆

十八年內閣會典館奏准位次登載又楊門李志詳

載聖賢歷代封號與諸儒祔祀年分此皆炳見各史

志及闕里志與

大清會典故不復載

禮器萬厯志明宏治中知州辛禮造萬厯十三年知州陸長庚再飭之萬厯二十三年知州段猷顯又增飭而新之而文廟之有銅器自禮始楊志禮器七百三十有一今俱燬於兵案康熙四十年知州陳祥裔即其殘缺者增補之詳前碑文亦尙未備後復缺損乾隆五十五年知州胡文銓擇其尤要者捐俸修補之

祝板一 無

大銅香爐一 無

廣德州志

卷七

學校

十三

小銅香爐八 無

鐵香爐八 存二

木香爐十 無

磁香爐十 新補

錫香爐一 存

大銅花瓶二 存

小銅花瓶十二 無

木花瓶六 無

小錫花瓶二 無

大銅燭臺二 存錫燭臺二

小銅燭臺二 無

小木燭臺四十 新補

銅爵一百三十三 存三

錫爵一百四十二 存七十六

銅罇四 無

錫罇一 存

銅犧罇象罇各一 存象罇一已損壞 新補木犧罇二

銅兔樽豕樽各一 無

竹籩一百四十二 無

銅籩十 無

銅豆十 無

木豆一百四十二 新補

銅酒海三 無

銅鋤三 新補錫

銅簠簋各十 舊補錫

銅杓九 無

錫盥盆一 無

木帛箱九 存

木長盤四 無

木方盤二十九 無

紅紗燈八 無

木滿堂紅八 無

木牲盤八 無

鐵鍋七 無

案二十七 存十

廣德州志

卷七

學校

十四

牲臺二 存

樂器元延祐中總管史烜造 牟應龍撰 楊志樂器六十

八今俱燬於兵案康熙四十年知州陳祥裔增補乾隆

四十四年學正朱裕觀同佾生修補五十五年知州胡

文銓修

麾一 舊補二

祝一 新修

敵一 新修

琴六 存二

瑟二 新修

塤二 存一

篪二 存一

笙六 存二

排簫二存一
新修

大鼓一存

拊鼓二存一
新修

銅鐘十六存另銅
鐘二

銅磬十六存

簫四新補
二

笛四新補
二

〔案〕右所列禮樂器均係萬厯志原數楊門志照此開載而曰今俱燬於兵似無一存者李志亦照楊門開載而刪去俱燬句似無一闕者今查現存銅瓶銅爵象罇均有宏治四年二月提調官辛禮造字樣可見稱俱燬之謬但雖經陳祥裔增補讀其碑記所載較廣德州志

廣德州志

卷七

學校

十五

之萬厯原數尙多未備李志列原數而不言闕亦非茲故詳注原物存否與近今修補於其下俾可核實云

舞器楊志今俱無

旌二舊
補

翟三十六無

籥三十六無

帶三十六無

舞冠三十六無

服三十六無

崇聖祠舊名啟聖公祠南畿志明嘉靖十年制增啟聖祠

楊志在 文廟東北案康熙十四年學正馮益燿重修

據馮手書畱記五十八年知州周在建學正吳寧謚重修據尊經閣

自記 匾上吳 雍正元年奉

旨改稱啟聖祠為崇聖祠重題門額乾隆四十五年知州

石應璋學正朱裕觀重修

祠中南向神位

肇聖王木金父公正中

裕聖王祈父公東一室

詒聖王防叔公西一室

昌聖王伯夏公東二室

廣德州志 **卷七**

學校

十六

肇聖王叔梁公西二室

祠中東西四配神位

先賢顏氏無繇俱向西向

先賢曾氏點俱向東

兩廡從祠神位

先儒周氏輔成 先儒程氏珦

先儒蔡氏元定以上俱即在祠中次東西向

先儒張氏迪 先儒朱氏松俱祠中次西東向

忠義祠江南通志在州學內李志明倫堂東雍正五年奉

文建案在明倫堂東南堂門各三楹乾隆五十八年門
圯知州胡文銓同學正王其福訓導吳景濂修并製牌

神位

周烈 籍未詳宋建炎三年知廣德
軍事殉金兵之難詳宦績

王儔 本州人宋建炎末真州通判權通
判廣德軍殉戚方之難詳忠烈

李唐俊 本州人宋建炎末權通判廣
德軍殉戚方之難詳忠烈

朱嗣孟 樂平人宋建炎末任廣德司
戶參軍殉戚方之難詳宦績

潘偶 本州人宋建炎末權廣德軍
司法殉戚方之難詳忠烈

韋績 籍未詳宋建炎末權知廣
德縣殉戚方之難詳宦績

廣德州志 卷七 學校

蔣夔 籍未詳宋建炎末權廣德
縣丞殉戚方之難詳宦績

吳琦 本州人宋德祐乙亥年任太
學講書殉元兵之難詳忠烈

王汝翼 建平人宋德祐年知廣德
縣殉元兵之難詳忠烈

趙時踐暨子 采石人宋德祐年任廣德司戶參軍攝建
平縣事殉元兵之難其子亦死詳宦績

趙時晦 籍與言未詳宋德祐年寓居建平與元兵戰不
屈死詳寓賢祠牌舊書暨二公子誤詳九烈祠

孟唐老暨二子 籍未詳宋德祐年官斗山路分與
王汝翼同殉元兵之難詳宦績

張濡 籍未詳德祐末知廣德
軍殉元兵之難詳宦績

關住 籍未詳元至正年任廣德
翼萬戶死寇難詳宦績

齊泰 溧水人明建文時兵部尚書至廣德與
王叔英合謀起義後被執殉節詳宦績

王叔英 黃巖人明建文時官翰林修撰募兵廣德殉難詳宦績

林英 古田人明建文時官御史募兵廣德與王叔英同殉難詳宦績

姚恕 建平人明建文時官御史殉難詳忠烈

姚善富 建平人明建文時太學生殉難詳忠烈

宋鰲 湘陽人明嘉靖中任建平縣丞殉倭寇之難詳宦績

蔡啟元 本州人明嘉靖中擊賊于奉化戰死詳忠烈

蔡允元 本州人明嘉靖中官指揮為南韶賊所執不屈死詳忠烈

潘廷楫 建平人明崇禎時官安東衛經歷寇難殉節詳忠烈

夏魁場 建平人明崇禎中官武義教諭攝浦江令寇難殉節詳忠烈

廣德州志 卷七 學校 七

趙景和 錢塘人明末知廣德州守城死馬士英之亂詳宦績

任佐君 籍未詳明末任廣德同知死馬士英之亂詳宦績

杜鶴年 安化人明崇禎末建平令殉節詳宦績

附張義民 唐末廣明年率義兵禦黃巢戰死詳忠烈

案忠義舊無專祠雍正五年始奉

特敕建于郡邑學中以褒嘉忠節使數千百年沉鬱之孤

忠並得俎豆膠庠光昭史冊洵盛典也且奉行

朝命與舊時九烈詳後民間私祀者迥異有主持風教之責

者自宜加意搜訪以仰答

聖天子闡揚幽隱盛心乃李志學校門不登此祠祠祀門

但紀建祠之年而不載所祀之人疎矣及觀祠牌所

奉又僅十有五人

王儁李唐俊朱嗣孟潘偶韋績蔣夔王汝翼趙時晦時踐王叔英姚

恕宋鼇蔡啟元允元夏魁賜

夫以建炎諸人而論則周烈宜首祀

以德祐諸人而論則吳琦孟唐老及二子趙時踐之

子與張濡皆先後殉節者也元有關住明建文尚有

齊泰林英姚善富嘉靖尚有潘廷楫崇禎尚有趙景

和任佐君杜鶴年是數人者事蹟炳載正史或軼見

記傳當時均未詳考致有漏遺伏讀

廣德州志

卷七

學校

九

欽定勝朝殉節諸臣錄齊王林及趙夏五公並蒙

賜諡入祠

恩綍榮施

瑤編頒布薄海臣民靡不聞風欣仰寧有寓遊蒙難之地

城守籍隸之邦尙敢沿襲舊規不亟謀所以敬承

德意徧賁幽潛乎謹易堅木彙勒姓名冠以

寵諡庶英魂毅魄蒼萃一堂胥嚮春秋籍展祇敬焉至唐

世義民張氏禦賊捐軀居民嘗爲立廟曰誓節今廟

雖圯廢故蹟猶存伏念

聖朝褒錫孤忠不遺微末如虎邱儒士若耶樵夫均得同
邀祀典張氏奮身捍患死而廟食詎可令其久而湮
沒今亦祔祀以慰忠魂於風教當有裨益也又案會
典開載雍正三年禮部議覆令直省州縣分別男女
各建二祠一為忠義孝弟祠建學宮一為節孝祠另
擇地營建然則廣德所有歷代奉旌之孝子當時亦
應建祠奉祀茲謹考列應祀孝弟諸人以俟後舉

潘 晃 本州人唐天寶年詔旌授廣德令詳孝友

李彭年 本州人宋紹興進士高宗詔旌詳孝友

廣德州志 卷七 學校 三

王安兒 建平人時代未詳有割股廟載通志詳孝友

李 貴 建平人時代未詳有孝義橋載通志詳孝友

范日進 建平人宋咸淳時家衆三百人同爨載通志詳孝友

姚觀壽 本州人明洪武間旌表詳孝友

宗維漢 建平人國朝雍正十一年奉旌詳孝友

雲像曾 本州人國朝乾隆元年奉旌詳孝友

名宦祠萬歷志戟門外左舊為神厨為宰牲所今為名宦

祠先是明正德中知州劉節建於 文廟後嘉靖七年

案東廓州志自序稱五年丙戌修志逾年徙官去則七年乃其去任之年也 判官鄒守益建

於復初書院門左

案即尊經閣門左也

嘉靖三十三年知州莊士

元改建於此萬曆二十四年知州段猷顯又撤而新之

繚以垣墉視昔加偉案康熙十四年學正馮益燧重修

據馮手書歲久木料朽壞乾隆五十六年圯神位暫移

四先生祠中現擬重建

神位

張

純 三國吳嘉禾間廣德令舊作漢誤

梅

詢 宋真宗時知軍事

錢公輔

宋英宗治平中知軍事

孫

覺 宋神宗熙寧中知軍事

洪興祖

宋高宗紹興中知軍事

黃

震 宋度宗咸淳中通判廣德軍

廣德州志

卷七

學校

三

趙時踐

宋末司戶叅軍

王

新 明洪武中同知

羅坤泰

明永樂中知州

袁

沂 明成化中學正

孫紘

明宏治中知州

李汝桂

明萬曆中訓導以上俱見萬曆志

胡子晉

明萬曆中同知

張嗣誠

明萬曆中知州

程良符

明崇禎時知州以上見楊志

趙景和

明末知州殉難祠有牌舊志失載

案以上十六人皆官於廣德者事實均詳宦績然應

祀者實亦不止此也其祠牌尙有周孔教常名揚馬

鳴佩張泰交范承勳鮑復昌陳鵬年余正健邵嗣堯

諸人均係督撫提學等官江南府州縣名宦祠中皆

入牌者今亦一體崇祀焉

鄉賢祠萬厯志載門外右舊為神庫為致齋所今為鄉賢祠其先建置與名宦祠同楊志康熙四年圯知州楊苞學正荆振日重建案乾隆五十年學正沈曙訓導潘煥溥同後裔重修

神位

查深 宋治平間人詳儒碩

倪濤 宋大觀進士詳名臣

何大圭 宋重和進士詳文苑

沈虛中 宋宣和進士詳文苑

梅應發 宋寶祐進士詳名臣

張政 明永樂進士詳名臣

廣德州志

卷七

學校

三

濮陽瑾 明天順選貢詳循吏

姜洪 明成化進士詳名臣

王世祿 明正德進士詳循吏

李崇謙 明嘉靖舉人詳循吏

李天植 明隆慶進士詳名臣

案萬厯志載崇祀者八人楊志增何大圭王世祿李

天植三人不言何時附入今仍之

范文正公祠宋紹興中知軍洪興祖求公遺像繪而置之

學宮使學者世祀之汪藻撰記見藝文萬厯志舊在儒學

井亭左嘉靖三年案鄒東廓周公祠記稱嘉靖甲申議建文正祠於書院後甲申嘉靖三年

也舊志作七年誤今改正判官鄒守益改建尊經閣後南畿志作在復初書院內

案書院即閣故云說見後尋圯萬厯間合祀今四先生祠內另詳後
間知州朱國柱別建祠於硯池塘側詳壇廟

古四先生祠明一統志在州學元時判官秦德用建以祀

宋司理范仲淹郡守錢公輔孫覺洪興祖以其有興學

功也郡人梅應發撰記案記稱紹定二年作范錢洪三

十一年秦侯撤而新之增入孫覺名四先生祠堂詳藝文案是祠久廢范在明世則

先有專祠後再合祠詳後錢孫洪皆歸名宦祠祀之

案四先生祠建於元世雖在前明已委榛莽而凡類

書中載桐川祠廟必及之自萬厯中更創四先生祠

廣德州志

卷七

學校

三

主猶四而人易三萬厯志遂載新而沒舊數典忘祖

可乎故今列各祠先自宋元始

懷忠祠南畿志在文正祠左萬厯志嘉靖三年判官鄒守

益既改建范公祠於尊經閣後并建王靜學叔祠於其

東名曰懷忠案王叔英死節之銀杏樹即在其後故東

英祠吳同春遂建特祠於墓所名尋圯萬厯間亦合祀

於今四先生祠以其址建存忠亭另詳後

周公祠南畿志在儒學內萬厯志舊在道義門左正德中

知州劉節建以祀前知州周瑛案嘉靖三年判官鄒守

益以祠湫隘既移祀范文正於尊經閣後新祠中而以

周公位移於范公舊祠中案即前所云井亭左之范祠也是在道義門左者移於戟

門右鄒自撰記見藝文萬厯志萬厯元年知州鍾振就集

英館址改建在范文正公祠西案井亭左祠自此遂廢

閣後矣十四年知州陸長庚修葺尋圯二十五年亦合祀

今四先生祠中詳後

四先生祠萬厯志在尊經閣鄒先生祠後鄒守益所建范

公祠懷忠祠鍾振所建周公祠皆圯萬厯二十五年知

州段猷顯即鄒公祠址改建一祠案鄒祠本在北范祠本在南今以范祠址

廣德州志

卷七

學校

十四

為鄒祠而以鄒祠址為四先生祠故前云在鄒先生祠後互詳下入真西山同堂異龕

合而祀之且撰仰止編以示景行之意楊志今圯

國朝康熙六年學正荆振日改舊學署樓房三間為四先

生祠在文廟西案學正署舊在西廡後荆振日移建於文廟東故以舊署樓改為祠云

李志後又圯雍正十年知州詹宜倫重建於尊經閣左

案今在閣門外左即雍正間所建者也

神位

范仲淹宋參知政事前司理參軍

真德秀宋資政殿學士前江東轉運副使

王叔英明翰林院修撰

周瑛明四川布政使前知州事

東廊祠萬曆志舊在尊經閣蓮花池後萬曆四年知州

吳同春建以祀南京國子祭酒前判官鄒文莊公守益

案李得陽撰尋圯萬曆二十五年知州段猷顯從輿議

卽范文正祠舊址建祠專祀之前詳楊志李徵儀建二楹

於祠後案此二楹何以添設案祠久圯乾隆四十五年

學正朱裕觀復建於道義門左而以明知州夏案祠牌

舊志祠祀門亦無祀夏公者稽之明知州嘉靖中有夏

臣任僅一載崇禎時有夏時任三載政績俱無考朱裕

觀重修神位而不書名想亦無從考定為何人也

其牌位向在州治東關帝廟中朱裕觀移祀於此

國朝知州閔以棟案閔有專祠在州治東關帝廟中朱裕

觀又增設牌位於此閔專祠另詳壇廟

廣德州志 卷七 學校 五

毛渾案西廡後舊有祠祀渾乾隆丙戌祠圯移三主祀

祀焉主於學正署門屋中朱以其褻故移入

案學中祀東廊載在州署禮科舊冊有祀祀當時從

學者八人姓名詳寓又李志載康熙間李邇泰建書

院迎東廊及從學九人木主祀之知鄒祠中自有祀

祀者今祀祀之人皆係鄒後郡守則以祠圯而牌位

無存前志又未詳載隔數十年始復有建祠祀之者

宜其未暇深考矣

土神祠楊志文廟西北案卽懷忠祠址也不知何年改

爲土神祠乾隆四十五年祠圯學正朱裕觀訓導吳維瓊移建於道義門東

文昌祠楊志載有祠田而未詳其址考明史宏治間行令天下學校拆毀文昌祠或卽廢於其時與

九烈祠楊志今圯

案萬厯志但載所祀九人不詳所建之地楊志但云圯亦不言其址迨雍正五年建忠義祠於學首以九人崇祀其中從此忠魂毅魄俎豆千秋矣惟是烈不止九猶之賢不應六乃近學正朱裕觀以九烈之號

廣德州志

卷七

學校

三

傳自元明不宐遽泯因與明之六賢復合建一祠焉

見後

六賢祠萬厯志萬厯三十年知州何鳳起建楊志今圯

案萬厯志不詳所建之地并六賢亦未載續萬厯志

列其姓名首鄒東廓是矣而連及曾來講學之錢沈

二王與嘗撰東廓祠碑之耿定向

碑見藝文

統名爲六賢

考耿定向從未來祠不應祀於此卽東廓曾膺民社功德在人既有專祀未便與偶來講學者同列六賢之稱似未盡協

九烈六賢祠在三台閣舊址北乾隆四十五年學正朱裕
觀建為堂三楹額曰正氣萃茲

神位

王儔

李唐俊

潘偶

韋績

蔣夔

朱嗣孟

王汝翼

趙時踐

趙時晦

案萬歷志時晦下書及二子考宋史不載時晦子而載同死之孟唐老二子舊志誤詳忠烈

吳寧謚九烈祠樂府守耶丞耶倅耶尉耶僚屬耶兄弟耶一人義憤肝膽裂羣賢併命手同摯寅恭素協肘誰

廣德州志

卷七

三

掣垣麓久和聲不輟吁嗟乎一城一池須問主者誰撐半壁誰支大厦二三小臣尸裹血灑柰何中朝非秦則賈

右宋九烈籍貫事實詳前忠義祠

鄒守益

安福人詳宦績

錢德洪

餘姚人詳寓賢

王畿

山陰人詳寓賢

王良

泰州人詳寓賢

沈寵

宣城人詳寓賢

耿定向

黃安人嘉靖末南京學政明史有傳

右明六賢

案李志載九烈六賢二祠俱圯移木主於文昌閣所

謂文昌閣者卽三台閣也後閣亦圯故朱裕觀復合

建一祠以祀之然烈與賢原以祠同圮而偶合之究非義所應合者也竊謂九烈崇祀忠義東廓專祠學中此祠只祀寓賢四五人也可

青雲樓萬曆志在儒學東明嘉靖十三年判官涂相買民

地建

案涂自為記見藝文

督學聞人銓顏曰雄峙宮墻

案今無

前後

各三楹萬曆十二年知州陸長庚修

案陸自撰記附後

樓後屋

五楹中為碑亭

案今屋與亭俱無

判官聞思政建後有池陸又

周圍葺牆門外建石坊匾曰頭角崢嶸勒本州科甲於

上

案今坊匾俱無

門左舊有建樓碑亭今圮迤左為聞判遺思

廣德州志

卷七

學校

三

碑亭

案今亭亦無

又左為榛邱二

楊志榛邱誤作禁邱又刪二字誤

舊傳為

錢狀元用壬塚萬曆二十年段猷顯為豎碣以識更改

青雲樓額為五雲樓左有梯雲樓楊志梯雲樓今圮

國朝康熙元年知州陸翔華學正荆振日各捐俸倡諸生

助貲重建

案陸荆均有記附後

仍顏其額曰青雲樓上供

文昌

帝君右有陸公建青雲樓碑亭

案今碑存亭圮

案康熙四十七

年樓圯郡人雲中官倡募重建未竟而卒雍正六年其

子輝萼復募成之學正胡伯炯撰記

見藝文

乾隆四十七

年前樓將圯學正朱裕觀募修方興工而朱卒事遂中

止今前樓僅立柱礎待修孔亟云

明陸長庚青雲樓記州治東南數十百步為學宮稍轉而東有樓名青雲又稍轉而南依州堞為閣名文昌先是郡倅涂君初置羣博士弟子讀書其中久且敞不佞來守茲土思稍加繕輯迺諭諸明口聞君雅相合也因使封人慮事量功聚材平板幹稱畚築畧楹庶程用物浹數十旬竣事偕不佞登焉謂不可無記余惟斯樓之有造於多士也躍然起曰噫樓美矣而以青雲名何為哉以余所聞太史公巖穴幽樓者流非附青雲之士不能自顯故曰升之則在青雲之上抑之則在深淵之下由斯以譚士亦惡能與世浮沉而無貴乎青雲為也明與以右文風海內士彬彬趨於行誼垂二百餘年今上神聖復申飭學官期於雅馴以稱得士意甚懇厚夫士也生於蓬華遭逢明聖釋褐而趨紆青拖紫內則卿相外則監司二千石刺史縣令得有所表見以垂不朽非所稱青雲之士能自顯榮者哉今天下南北士治經術修行誼以須朝廷任使即無慮千億已而獨首吾浙桐

廣德州志

卷七

學校

无

泗去浙莽蒼間耳而風氣稍不類搢紳先生能自致於青雲者雖嘗接踵而未能人人稱得意其有沉伏艸茅眇所樹立豈非守土者責耶不佞與聞君司教翼菴黃君俱以吾浙來後先振起亦惟是二同志若釋所王君司訓李君輩左右之所為蚤夜斤斤期於得士矣而顧安所令多士向方迺不佞有聞管子治齊使夫士羣萃而州處習而安焉終身不見異物其教不肅自成且夫管子固卑卑倡霸者耳而猶然知此假令不佞一日忘此心其若朝廷與士庶何即無斯樓猶將數數然為多士經始也者而矧其月之已乎余以為樓之因廢士之善敗關乎世風本乎家國事匪偶爾士而有曠觀遐視塵芥六合登斯樓能為朗鑑士而有仗節舒氣瑰璋倜儻登沉鬱登斯樓能為朗鑑士而有卑瑣局踏窮阨周章登斯樓能斯樓能為豪舉士而有卑瑣局踏窮阨周章登斯樓能為達資如是則可以長有令名聲施後世夫令名德之與也德家國之基也有基無壞樓之謂矣士無亦是務乎且七亦見夫北溟之鯤乎化而為鵬搏扶搖羊角而上者九萬里斥鴳笑之曰彼且奚適矣我騰躍而上不

過數仞此小大之辨也多士願為鵬不為斥鷃則九萬里舍青雲奚以適哉僉曰諾其命工鐫之樓唯初制旁有舍於後更買居民田為屋數楹垣數十尋稍廣其舊門以外則移豎石坊其上題曰頭角爭矚取雲龍之義也董是役者則義民濮僅濮備老人張大什效有勤勞云萬歷十三年歲次乙酉十月賜進士出身奉洲大夫知直隸廣德州事鵝湖陸長庚撰文郡人李得陽書丹夏良心篆額同知王省括判官聞思政署學正黃應奎

訓導李一孝

國朝陸翔華重建青雲樓碑記古刺史之治郡也類有亭

閣臺榭以表山川都邑之盛若廬陵之在滁則建亭曰豐樂曰醉翁眉山之在扶風膠西則建亭曰喜雨建臺

曰超然余讀其文詞雖得宣上恩澤與民共樂之意然竊謂供游觀資觴咏猶未盡善刺史奉

天子命來守是邦凡所營建富以有裨士民者為之學校

廢舉墜真長吏責也余以辛丑五月莅桐下車之日即詢民生利病士風淑慝廣文覺菴荆君告予桐自置郡

廣德州志

卷七

辛

後銅龍金馬代不乏人邇多士濟濟歌鹿鳴與賓興者未數見則以學宮龍勢自筭山而來嚮予從祖津陽公於萬歷癸未承乏此州特建樓以挹之自兵燹之餘鞠為茂艸科目亦遂寥落予即引為已任輸貲鳩工而荆君同僚友彙度盧君諸生盧琦名趙先簡濮陽至雲旭等朝夕勤劬不遺餘力逾年樓始成予與僚屬諸生登高而觀之橫峯茅嶺羲蒼五老諸勝若近若遠高下隱見環遶其側蒼松古木掩映於烟雲杳靄間其殆有飛仙羽客高人逸士在乎俯瞰城郭參差烟火不下萬家桑麻雞犬雜出竹籬茆屋外凡民物之耗阜歲時之豐歉無不一覽而得之則文章政治此樓均有助焉異日諸生走馬長安獻書賦直須一日之樓均有助焉異日如矣斯樓豈僅供游觀資觴咏與豐樂醉翁喜雨超然相頡頏哉爰勒數言以識於石荆振日重建青雲樓記事碑余以庚子春來視桐學念既一日長諸生不道義文章相與朝夕摩切已也思之也深以摯而期之也宏以遠凡可以扶進人材者必盡誠殫力求其大成而後慰焉初接諸生麟麟郁郁殊多雋上之姿迺兵燹

後尚無登賢書者豈盡由人事抑氣化陰陽有未協者與乃徘徊學宮顧與隅散衍風氣疏洩無以翕滙秀靈因攷州乘明嘉靖以前科第寥寥自東潭涂公建青雲樓於學左以補其偏津陽陸公復營治焉而規模益廓百年之間人文蔚起迨樓毀而昔之寥寥者復若也是今日急務宜以此為先矣乃誨吉鳩工鼎新聿始會余迫公車辛丑北旋猶是數十棟楹旁風上雨繚垣未周適魏塘陸公來守是邦振興黌序追從祖津陽公之遺蹟捐冰俸以佐工貲余亦以薄修繼之今得落成焉蓋三易寒暑矣樓之峻敞不減舊觀工力艱鉅倍於昔時歷巖谷風雨徧募四境者余廣文職也多方經畫捐廉倡助者刺史靜涵陸公也若諸生省工飭材則盧子琦名趙子先簡濮陽子至雲子旭丁子儀淳等為獨瘁夫前賢一涖茲土即鯁鯁焉為數百年人材計後乃任其頽廢而不顧則今雖幸觀厥成而尤冀後賢之善為繼也敢不備書始事之艱以告來者多士勉乎哉太史公曰砥行立名非附青雲之士惡能施於後世蓋顏子夷齊得夫子而益彰也則青雲之義徒科第顯奕云爾乎

廣德州志

卷七

學校

三

余仍厥名焉
猶此志也夫

二台閣舊名文昌閣萬厯志在儒學東南萬厯六年知州吳同春買民地建閣三層南瞰女牆上供文昌顏其額為斯文主宰閣外為短垣前峻以石階階右為屋三楹以居管閣者萬厯十三年知州陸長庚重修閣右築青雲路二百二十五丈迤東而北出於通衢兼濬龍門水迤邐以達文明溪溪上建登龍橋蓋閣與青雲樓俱屬異位先後當事者用形家言設此以補方隅之空翼黉宮衛風氣云楊志今圯門志儒學東南形家言學宮

翼隅風氣疏洩故科第寥寥康熙十一年知州高拱乾
倡議捐俸建三台閣以翼衛之案高自撰前為講堂後
築石臺高二丈許上構巍樓三級頂層奉 文昌帝君
像中層供 關聖像右有池建亭於其上匾曰清鑑是
歲庠士周烈夏迪忱同雋秋闈此興學作人之效也案
今又圯

國朝韓望建三台閣記九臨高年兄以吾邑鼎彥初仕守
鄣郡政成三期余以權關武林返棹報
命有鄣人士數輩遮余而言曰吾鄣蕞爾殘壤民生日蹙
高侯下車興學校撫流移平徵收雪冤抑省贖鏹清編
審杜鏹害飭守望弭萑苻賑饑荒仁惠所敷未易更僕
數大約持心平恕立法寬簡不以鈞距炫明不以揮張

廣德州志

卷七

學校

三

見才惟本乎真誠而行以樂易所以士習而民信之今
者侯嘉惠膠庠念州科目晨星以形家言特割俸建閣
三級於學宮左名曰三台以應斗魁之象今歲賢書卽
雋二人諸弟子員沐教澤者深將叙其懿績勒之貞珉
因銓次之以
應其請云

案三台閣卽明文昌閣舊址而重建者門志強分爲
二叙文昌閣刪節萬歷志與楊志原文幾不知基址
在何處叙三台閣直云高拱乾倡建卽高自撰記亦
不叙前明舊址殊不思吳同春買民地而閣始有基
前人之功惡可沒也今閣又久圯僅存敗石臺而已
現擬重建又案九烈六賢祠青雲樓三台閣均在儒

學東南平步橋之東不在學基之內因均係學中廟
祠故類載於此

廣德州志

卷七

學校

三